

## Transkription von Urkunde HRO 1379b

Ort, Datierung: Rostock, 1379-08-06

Signatur: Stadtarchiv Rostock, U 4, d, Erbschaften Auswärtiges [U 4d 1379 August 6] [\[online\]](#)

Inhalt: Dyderik Renzynghe: Schwurbrief

Ik dyderik renzynghe borchher tō me hamme . Do witlik allen lēden . de dessen ieghe(n)wardighen bref  
seen edder hōren lesen vn(de) bekenne / vn(de) betūghe openbare in desser scrīft . Dat ik mit gōden  
vrīen willen vn(de) mit wol beraden mōde svnder ienigerlēye dwank . deme / Rade vnde vor deme  
Rade der stat tō Rozstock mit vprichteden vinghere(n) hebbe gesworen in den hillegen . Dat ik mī in  
allen / saken . De twyschen clawes ellesholte borgere dar sālues vppe ene syde . vn(de) mī vppe de  
anderen syden . gherōret beweghet hanghende / vn(de) stande synt van des erue gōdes wegene . Dat  
Hinrik renzynghe(e) mīn sone na sīme dode heft na sīk ghelaten vn(de) ik gheeschet / vn(de) manet  
hebbe alse en recht erfname wil in lubescheme rechte nōghen laten . vn(de) wil gheneten des rechtes .  
Dat my dar sulues / tō Rozstock(e) . edder van deme Rade tō lūbek(e) eft id dar vōre kōmpt an eyme  
schuldene(n) ordele tōghevunden vn(de) ghedeylet wert / tō eyme gantzen ende . . vnde dar en bouene  
So en wil ik nv . edder nvmmmer in tōkomenden tīden . iemende . he sī borger copma(n) / edder gast  
van Rozstock(e) bīnnen landes edder buten landes v(m)me der vorscreuene(n) sake willen schutten .  
beswaren . hīndere(n) edder / areghen ienigherlēye wīs . efte hīndere(n) . schutten . vn(de) areghen  
laten bī mīnen vrunden . vn(de) maghen . edder bī vromeden lēden / se sīn we se sīn heymeliken .  
efte openbare svnder alle areghelīst . To tūghe desses dinghes is mīn ingheseghel ghehenget mit /  
mīme willen vor dessen bref . De gheuen vn(de) screuen is tō Rozstock(e) Na godes bord drū  
tteynhvndert iar in deme negene / vn(de) souentighesteme iare . in svnte Sixtus daghe . des hilleghen  
pauses vn(de) merteleres . /